



Na osnovu člana 86 stava 3 Zakona o zdravstvenoj zaštiti u Brčko distriktu Bosne i Hercegovine („Službeni glasnik Brčko distrikta BiH“, broj: 5/23 – prečišćeni tekst i brojevi: 7/23 i 31/24), člana 31 Odluke o osnivanju Javne zdravstvene ustanove „Zdravstveni centar Brčko“ Brčko distrikt BiH („Službeni glasnik Brčko distrikta BiH“, brojevi: 27/12, 11/13, 34/18 i 30/20), Skupština Brčko distrikta Bosne i Hercegovine na 18. redovnoj sjednici 15. oktobra 2025. godine, donosi

O D L U K U

O RASPISIVANJU JAVNOG KONKURSA ZA IMENOVANJE JEDNOG ČLANA NADZORNOG ODBORA JAVNE ZDRAVSTVENE USTANOVE „ZDRAVSTVENI CENTAR BRČKO“ BRČKO DISTRIKTA BiH

Član 1

Raspisuje se Javni konkurs za imenovanje 1 (jednog) člana Nadzornog odbora Javne zdravstvene ustanove „Zdravstveni centar Brčko“ Brčko distrikt Bosne i Hercegovine (u daljnjem tekstu: Nadzorni odbor) iz reda korisnika zdravstvenih usluga, isključujući davaoce zdravstvenih usluga u javnom i privatnom sektoru, rukovodeće državne službenike i državne službenike zaposlene u organima uprave Distrikta i zaposlene u Fondu.

Član 2

- (1) Javni konkurs iz člana 1 ove odluke čini njen sastavni dio i objavit će se na Internet stranici Skupštine Brčko distrikta BiH (www.skupstinabd.ba) i na oglasnoj tabli Skupštine Brčko distrikta BiH.
- (2) Rok za podnošenje prijave je 8 (osam) dana od dana posljednjeg objavljivanja Javnog konkursa.

Član 3

- (1) Postupak po raspisanom Javnom konkursu provest će Komisija za izbor i imenovanja i mandatsko-imunitetska komisija Skupštine Brčko distrikta BiH (u daljnjem tekstu: Komisija).
- (2) Zadatak Komisije iz prethodnog stava je da izvrši pregled i klasifikaciju prijava, obavi intervju sa svim kandidatima koji ispunjavaju uslove propisane javnim konkursom, izvrši bodovanje i podnese pisani izvještaj Skupštini Brčko distrikta BiH o provedenom postupku i prijedlog rang-liste s redoslijedom kandidata, prema ukupnom broju bodova za svakog kandidata.

Član 4

Skupština Brčko distrikta BiH cijeneći položaj kandidata na rang-listi koju dostavi Komisija donijet će odluku o imenovanju jednog člana Nadzornog odbora.

Član 5

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-1938/25

Brčko, 15. 10. 2025. godine

PREDSJEDNIK
SKUPŠTINE BRČKO DISTRIKTA BiH
Damir Bulčević, dipl. oec.